



Broj: 02-05-22210-2/11
Sarajevo, 20.07.2011. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **27.** sjednici održanoj **20.07.2011.** godine, donijela je sljedeći

ZAKLJUČAK

1. Utvrđuje se Prijedlog odluke o davanju ovlaštenja Vladi Kantona Sarajevo za raspolaganje imovinom Kantona Sarajevo.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovina
Kanton Sarajevo
V l a d a

O D L U K A
O DAVANJU OVLAŠTENJA VLADI KANTONA SARAJEVO ZA
RASPOLAGANJE IMOVINOM KANTONA SARAJEVO
(Prijedlog)

Nosilac izrade
Ministarstvo pravde i uprave

Sarajevo, juli 2011. godine

Na osnovu člana 18. tačka b) i člana 39. stav 2. Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97, 14/00, 4/01 i 28/04) i člana 8. stav 2. Zakona o imovini Kantona Sarajevo („Službene novine Kantona Sarajevo“, broj 6/97), Skupština Kantona Sarajevo, na sjednici od _____ 2011. godine, donijela je

Prijedlog

O D L U K U O DAVANJU OVLAŠTENJA VLADI KANTONA SARAJEVO ZA RASPOLAGANJE IMOVINOM KANTONA SARAJEVO

Član 1.

(Sadržaj odluke)

Ovom odlukom daje se ovlaštenje Vladi Kantona Sarajevo (u daljem tekstu: Vlada) za raspolaganje imovinom Kantona Sarajevo (u daljem tekstu: Kanton), utvrđenom zakonom i ovom odlukom.

Član 2.

(Imovina kojom raspolaže Vlada)

(1) Vlada može raspolagati imovinom Kantona, i to:

- a) pokretnom imovinom (osnovna sredstva rada, namještaj, oprema, automobili i dr.) do iznosa 500.000 KM i
- b) nepokretnom imovinom do iznosa 1.000.000 KM.

(2) Ukoliko pokretna imovina iz člana 2. stav (1) tačka a) ima knjigovodstvenu vrijednost „0,00“ KM, istom može samostalno raspolagati pravno lice kod koga je ta imovina na raspolaganju u momentu utvrđene knjigovodstvene vrijednosti „0,00“ KM.

Član 3.

(Stupanje na snagu)

Ova odluka stupa na snagu danom objavljivnja u „Službenim novinama Kantona Sarajevo“.

Broj _____/11.

Sarajevo, _____ 2011.g.

**PREDSJEDAVAJUĆA
SKUPŠTINE KANTONA SARAJEVO**

prof. dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ove odluke sadržan je u odredbama člana 18. tačka b) i člana 39. stav 2. Ustava Kantona Sarajevo, kojim je utvrđeno da Skupština donosi zakone i druge propise u okviru izvršavanja nadležnosti Kantona, kao i da imovinom Kantona upravlja Skupština Kantona, a Vlada može raspolagati imovinom u okviru ovlaštenja koje joj Skupština Kantona prenese posebnim propisom, kao i odredbama člana 8. stav 2. Zakona o imovini Kantona Sarajevo, kojima je utvrđeno da imovinom Kantona upravlja Skupština Kantona Sarajevo, a Vlada Kantona može raspolagati imovinom u okviru ovlaštenja koja joj Skupština prenese posebnim propisom.

RAZLOZI DONOŠENJA

Ministarstvu pravde i uprave dostavljena je inicijativa za pripremu odgovarajućeg podzakonskog akta u vezi raspolaganja imovinom Kantona Sarajevo kojim bi se dalo ovlaštenje Vladi Kantona u raspolaganju imovinom Kantona do određene vrijednosti te imovine, a na osnovu zaključka Kolegija Skupštine Kantona u Zapisniku broj: 01-05-27475/07 od 12.11.2007. godine, kojim je pojedinačni akt o raspolaganju imovinom Kantona skinut s dnevnog reda s prijedlogom da se podzakonskim aktom reguliše pitanje raspolaganja imovinom, radi operativnijeg i efikasnijeg odlučivanja o raspolaganju imovinom Kantona manje vrijednosti.

U postupku pripremanja ove odluke, kao vanprogramske aktivnosti, Ministarstvo pravde i uprave zatražilo je smjernice od svih ministarstava u smislu identifikacije imovine i njene vrijednosti za čije bi raspolaganje mogla biti nadležna Vlada.

Prijedlog Odluke pripremljen je u skladu s dostavljenim smjernicama.

Vlada Kantona Sarajevo donijela je Zaključak broj: 02-05-23378-5/08 od 23.07.2008. godine kojim u tački 1. utvrđuje se Prijedlog odluke o davanju ovlaštenja Vladi Kantona Sarajevo za raspolaganje imovinom Kantona Sarajevo i u tački 2. predlaže se Skupštini Kantona Sarajevo da, u skladu sa članom 160. Poslovnika Skupštine Kantona Sarajevo, donese odluku iz tačke 1. ovog Zaključka.

Kolegij Skupštine nije uvrstio u dnevni red Skupštine ovu Odluku.

Vlada Kantona Sarajevo donijela je Zaključak broj: 02-05-18214-1.1/11 od 26.05.2011. godine kojim zadužuje se Ministarstvo pravde i uprave Kantona Sarajevo da pripremi izmjene i dopune Zakona o imovini Kantona Sarajevo („Službene novine Kantona Sarajevo“, broj: 6/97), a u vezi sa odobravanjem i davanjem saglasnosti Vlade i Skupštine Kantona Sarajevo na promet pokretnih stvari manje vrijednosti, koje su u vlasništvu Kantona Sarajevo.

Imajući u vidu Presudu Ustavnog suda Federacije BiH broj: U-18/09 od 26. januara 2010. godine, donošenjem Odluke o davanju ovlaštenja Vladi Kantona Sarajevo za raspolaganje imovinom Kantona Sarajevo realizuje se navedeni zaključak, jer već postoje pravna rješenja u Zakonu o imovini Kantona Sarajevo i nije ga potrebno mijenjati.

PRAVNA RJEŠENJA

Član 1. Reguliše se sadržaj Odluke.

Član 2. Utvrđuje se imovina za čije se raspolaganje daje ovlaštenje Vladi.

Član 3. Propisuje se rok za stupanje na snagu Odluke.

SREDSTVA ZA PROVOĐENJE ODLUKE

Za provođenje ove Odluke nisu potrebna finansijska sredstva.

PRILOZI

USTAV KANTONA SARAJEVO

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Član 39.

Imovina Kantona

Imovinom Kantona smatraju se stvari, prava i novčana sredstva koja su stečena kupovinom ili na drugi način sukladno zakonima Bosne i Hercegovine i Federacije.

ZAKON O IMOVINI KANTONA SARAJEVO

Član 8.

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

1140
18 - 2011
07 - 07 - 2011

Broj: 08-03-sl
Sarajevo, 05.07.2011. godine

**MINISTARSTVO PRAVDE I UPRAVE
O V D J E**

PREDMET: Mišljenje

Veza: Vaš broj: 03.02.1460/11 od 29.06.2011. godine

Prijedlog Odluke o davanju ovlaštenja Vladi Kantona Sarajevo za raspolaganje imovinom Kantona Sarajevo nije u suprotnosti sa finansijskim propisima, te obzirom da za primjenu iste nisu potrebna dodatna finansijska sredstva, Ministarstvo finansija nema primjedbi na istu.

S poštovanjem,



MINISTAR
Muhamed Kozadra, dipl.ecc.



web: <http://mf.ks.gov.ba>
e-mail: min.finansija@ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





Broj: 09-02-21369/11
Sarajevo, 01.07.2011. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Odluke o davanju ovlaštenja Vladi Kantona Sarajevo za raspolaganje imovinom Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», br. 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 7/06-Noví prečišćeni tekst), Ured za zakonodavstvo Vlade Kantona Sarajevo, daje slijedeće

MIŠLJENJE

1. Pravni osnov za donošenje Odluke o davanju ovlaštenja Vladi Kantona Sarajevo za raspolaganje imovinom Kantona Sarajevo sadržan je u odredbama člana 8. stav (2) Zakona o imovini Kantona Sarajevo («Službene novine Kantona Sarajevo», broj: 6/97).

Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o davanju ovlaštenja Vladi Kantona Sarajevo za raspolaganje imovinom Kantona Sarajevo po pitanju njene usklađenosti sa odredbama ustava, odredbama Zakona o imovini Kantona Sarajevo, kao i drugim propisima koji regulišu pitanje raspolaganja imovinom Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa («Službene novine Kantona Sarajevo», broj 7/06-Noví prečišćeni tekst), te se isti može razmatrati na jednoj od narednjih sjednica Vlade Kantona Sarajevo, uz preporuku da se predmetni materijal dopuni sa mišljenjem Pravobranilaštva Kantona Sarajevo, s obzirom da se radi o propisu imovinsko-pravnog karaktera.

Dostaviti:
1. Naslovu
2. Evidencija
3. Arhiva



SEKRETYAR

Amir Ljubović, dipl. pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1

